

'Perbincangan awam yang membangun baik bagi S'pura'

PERBAHASAN awam di Singapura perlu membangun dengan masyarakat awam memainkan peranan lebih besar dalam perbincangan, kata Timbalan Perdana Menteri dan Menteri Kewangan Tharman Shanmugaratnam semalam.

Encik Tharman menimbulkan perkara itu ketika melancarkan buku bertajuk *Singapore 2065: Leading Insights on Economy and Environment from 50 Icons and Beyond*, (Singapura 2065: Pandangan Utama mengenai Ekonomi dan Sekitaran daripada 50 Ikon and Selanjutnya), yang menangani landskap masa depan ekonomi dan sekitar Singapura hari ini.

"Kami mempunyai lebih banyak idea dan pandangan yang datang daripada cendekiawan, intelektual awam, dan kumpulan pengulas

yang lebih luas hari ini berbanding sedekad lalu. Terdapat penelitian lebih aktif terhadap dasar pemerintahan, dan pemerintah pula lebih aktif mendengar," katanya.

"Tetapi adalah baik bagi Singapura jika kita juga mempunyai lebih banyak perbincangan dan semakan dalam masyarakat sivil sendiri, dengan peserta menilai analisis dan cadangan masing-masing, dan menonjolkan pilihan yang terlibat secara lebih sempurna dan tanpa dipengaruhi perasaan.

"Perbincangan ini, yang tidak bergantung hanya pada respons pemerintah kepada hujah-hujah yang dikemukakan, akan membantu mematangkan kita sebagai satu masyarakat."

Buku turut mendapatkan pandangan menteri, pakar ekonomi


terkemuka, diplomat veteran serta pemimpin perniagaan, yang termasuk Menteri Pendidikan Heng Swee Keat, Duta Kelana Profesor Tommy Koh dan juga Ketua Pegawai Eksekutif Banyan Tree Ho Kwon Ping.

Satu pandangan yang dibangkitkan para penulis adalah ukuran kejayaan ekonomi Singapura sedang menjalani perubahan.

Selain pertumbuhan GDP, terdapat keperluan menimbangkan aspek-aspek lain seperti kualiti hidup secara keseluruhan, magnitud pengeluaran karbon dan tahap ketidaksamaan pendapatan.

Sesetengah penulis juga melihat kemungkinan yang boleh berlaku dalam 2065 dan seterusnya.

Dekan Sekolah Dasar Awam Lee Kuan Yew Profesor Kishore Mahubani, sebagai contoh, menga-



ENCIK THARMAN: Melancarkan buku yang mendedahkan usaha menangani landskap masa depan ekonomi dan sekitar Singapura. – foto fail

ndaikan bahawa Singapura akhirnya boleh menghapuskan pemilikan kereta privet di 2065.

Encik Tharman berkata buku itu akan membuat sumbangan berharga kepada perdebatan sihat mengenai pilihan yang dibuat Singapura sedang negara ini bergerak ke depan bersama.